

Atentatua Getxon

Iraindu zutenei PPkoek «lepoa jotzen» dietela salatu du Zarraoak

Alkatearen esanek PPren eta Gobernuaren kritika sortu dute berriz

Joseba Arruti / Bilbo

Negurin izaniko atentatuaren ostean zenbait hiritarren aldetik jasan zituen irainei «kekagarrriak» iritzi zien atzo Getxoko alkate Iñaki Zarraoak eta PPko buruek iraintzaileei «lepoa jotzen» dietela salatu zuen.

IÑAKI ZARRAOA Getxoko alkate jeltzaleak atentatua jazo eta gero Pilar Arestiren etxera hurbildu zenean zenbait hiritarren aldetik jasan zituen irainei buruz adierazi zuenez, «kekagarrria da asal-datuegi azaldu eta zenbait politikaren aurrean dugun irizpide ezberdintasuna ulertzen ez duen jendearen jokabidea». Bere irudiko, «gutxi batzuk izan ziren iraindu gintuztenak, eta gehienek mespretxurik onena kasurik ez egitea zela esan ziguten». Iraintzen aritu zirenek «agian joko demokratiko libre eta ideia ezberdinak errespetatzen ez» dituztela adierazi zuen.

Bere aburuz, «EAJren alternatibei buruzko manipulazioa dago eta gu bide baketsu eta demokratikoetatik bakea lortu nahian gabil-tza, beti egon gara indarkeria ororen aurka eta ez da bidezkoa honelako gertakizunen erantzukizuna gure gain bota nahi izatea». Gainera, «jokabide horrek ekar ditzakeen ondorioak neurtzeko» eskatu zien agintari politikoei.

Alkate jeltzalearen ustez, «PPk irainak isilarazi egin behar ditu», eta alderdi horretako buruzagiek irain-



LUIS TEJIDO / EFE

Pilar Arestiren etxearen ataria.

tzen dituztenak «lepoan jotzen» dituztela salatu zuen. Zarraoarentzat, «PPk Espainia bakarrean sartu nahi gaitu guztiok».

Bestalde, ETari «babestuko gaituen aitabitxirik behar ez» dela esan zion alkateak eta «herriari hitza emateko» eska-tu zion. Azkenik, Zarraoak elkartasuna adierazi zion Pilar Arestiri: «Nahiz eta beste ideologia batekoa izan, herri-tarren ordezkaria da eta horietako bati eraso egitea demokraziari eraso egitea da».

Bestalde, iraindu zutenean Zarraoarekin egon zen Ricar-

do Ansotegi Bizkaiko Foru Aldundiko Ongizate diputatuak adierazi zuenez, alderdi politikoak «behingoz» berba egiten hasten ez badira indarkeria ekintza gehiago egongo da.

Cabanillasen kritikak

Pio Cabanillas Espainiako gobernuko bozeramaileak Zarraoa kritikatu zuen. Bere ustez, alkatearen adierazpenak «oso tristeak» dira eta, politikoki, «gutziz tamalgarrriak». Cabanillasentzat, «ez da zertan isildu behar atentatuaren aurrean».

erreakzioak

Iñigo Urkullu •

Bizkai Buru Batzarreko presidentea

«EAJ giza eskubideak edozein helburu politikoren gainetik jartzen dituztenekin egongo da beti»

► «Eraso honen helburu bakarra euskal gizartea ikaratzea da, tresna bakarra indarkeria dutela. Ekintzaren arduradunek jakin behar dute EAJk giza eskubideak eta euskaldunon hitza errespetatzen dituztenekin soilik lan egingo duela. Hau 'demokratikoki eta elkarrenganako begirunetik' arazoa konpontzea da Euskal Herriarrok taldeko bozeramaileak adierazi zuen bezala, edo EHK atentatua gaitzetsi beharko luke».

EA •

«Atentatu honen arduradunak nahi dutena izango dira, abertzaleak izan ezik»

► «Eusko Alkartasunak eraso berri hau gaitzesten du, indarkeria hutsa eta giza eskubideen zampaketa baino ez da eta. Honen arduradunak nahi dutena izango dira, abertzaleak izan ezik. Herri hau maitatzen dutela ezin dute esan, bera eraikitzeko lan egin beharrean izorratzen saiatzen baitira».

Miguel Sanz •

Nafarroako Gobernuako presidentea

«Isolamendu politikoa ETari bataila garrantzitsu bat irabaztea da»

► «Hiritar asko jada nekatuak daude terrorismoaren inguruko hizketekin, eta orain garrantzitsuena berarekin bukatze-ko bidea zein den argi edukitzea da. Bide hori isolamendu politikoa da, Ermuako espirituaren bidetik doana, alderdi nazionalista eta konstituzionalistak elkartzeko gai dena. Li-zarra-Garaziko itunak, ordea, bakea baino helburu politi-koak zituen».

Ramon Jauregi •

Espainiako Kongresuko Barne bozeramailea

«Neguriko atentatua Poliziaren eraginkortasun faltaren ondorioa da»

► «Azken atentatuek Poliziaren eraginkortasunean arazo bat dagoela argi uzten dute, Frantzian lehergailuak lapurtu zituztenetik. Horregatik, beharrezkoa da Frantzia eta Espai-niaren arteko elkarlana hobetzea, baita Ertzaintza eta Poli-ziaren eraginkortasuna ere. Erasoa hauek demokraziaren aurkakoak dira, baina jakin dezatela ez dugula etsiko».

Bakearen Aldeko Koordinakundea •

«Gizartearen mobilizazioa indarkeriaren aurka plurala izan behar da, zatiketarik gabe»

► «ETAk berriz ere indarkeria utz dezan eskatzen dion gizarte honen gehiengoaren nahia mespretxatzen du. Bestalde, ho-ni aurre egiteko gizartearen mobilizazioa beharrezkoa da. Pasa den ekainaren 25ean Getxon izandako zatiketa errepika ez dadin deitu nahi dugu jendea, modu baterakoian mo-biliza daitezen».

 **BASAURIKO UDALA**
AYUNTAMIENTO DE BASAURI
48970 BASAURI (BIZKAIA)

IRAGARKIA

Alkate honek 2000ko ekainaren 30ean 2940 zk.aren eman duen Dekretuaren bidez Hiri Antolamenduko Plan Orokorrean Ebebizitatarako Hiri Lurzoruaen Kalero Basozelai "B" Banaketa Arearen 30. Exekuzio Unitatea birpartzelatzeko espedienteari hasiera ematea erabaki du. Erabaki honen berri Exekuzio Unitatearen lurralde eremuan lurzoruaen jabeak diren guztiei eman zaie.

Hau iragarki hau Bizkaiko Lurralde Historikoaren Aldizkari Ofizialean argitaratzen da, Hirigintza Kudeaketarako Araudiaren 101.3 art. an xedatutakoa betetzeko.

Basauri, 2000ko uztailak 17.

ALKATEA:
Rafael Ibagüen Gonzalez

 **Berriz**
Elizateko
Udala
IRAGARKIA

INOXIBAR S.L.ren Eituako Finkatutako Industri Hiri Lurzoruaen Xehetasunezko Estudioa Alkatetza Dekretu bidez onartu da oraingoz; Francisco Javier Landaluze Echeverria Arkitektuak egin du estudioa, eta jendaurrean jartzen da HAMABOST EGUNEZ, dagozkion alegazioak egin ahal izateko.


Berriren, 2000ko uztailaren 19an.
Rosa Mª Ostogain Alkatesa.

 **Berriz**
Elizateko
Udala
IRAGARKIA

MANUFACTURAS INAUG S.L.ren Eituako Finkatutako Industri Hiri Lurzoruaen Xehetasunezko Estudioa Alkatetza Dekretu bidez onartu da oraingoz; Francisco Javier Landaluze Echeverria Arkitektuak egin du estudioa, eta jendaurrean jartzen da HAMABOST EGUNEZ, dagozkion alegazioak egin ahal izateko.

Berriren, 2000ko uztailaren 19an.
Rosa Mª Ostogain Alkatesa.

 **Bizkaiko Foru**
Aldundia
Kultura Saila

 **Diputación Foral**
de Bizkaia
Departamento de Cultura

Euskarazko aldizkako argitalpenak

Bizkaiko Foru Aldundiaren uztailaren 4ko 95/2000 foru dekretuak haxe du ezarrita:

Xedea: diru-laguntzak zelan emango zaizkien Bizkaiko Lurralde Historikoko euskarazko aldizkako argitalpenei, 2000ko ekitaldian zehar.

Onuradunak: ikus foru dekretuaren 2. artikulua.

Epea: Uztailaren 26tik irailaren 1era.

Eskabideak: Euskara Sustatzeko Zuzendaritza Nagusia, Bilboko Errekalde zumarkaleko 30eko 1. solairua, asteleheneetik ostiralera, 8:30etik 13:30era.